

reliquas etiam usu & dignitate celebriores non omittendas censueris, in quibus eas quæ sparsim in diuinis literis leguntur, tametsi clarum non sit quæ sint, verisimile fuerit contineri. Non abnuerim tamen illud primū seculum, quo sacræ cōditæ sunt scripturæ, hoc est Mosis ætate, non usque adeò fuisse edoctū vt omnium Gemmarū peruerit naturas & vires, quum inficiari nō queamus illud tunc primū omnē ruditatem exuisse, & perspicuū sit, ab ætate Plinij non parum immutatam esse earum Gemmarū æstimationem, Gemmarū & quibusdam non parum precij accessisse, <sup>precium.</sup> quum eo tempore primum vel secundū dignitatis locū obtinerēt vniones, nūc aut vix quartū fortiant, H-s, id est sestertiū centies vna Cleopatraræ Aegypti reginæ Margarita: quæ summa nō minus æstimatur ducentis & triginta quatuor milibus, trecentis quoque & septuaginta quinque ducatis. Potuerūt itaque eo rudi seculo Adamā-